



乙亨釋書 北丸之丹終


和書門			
類	號	函	架
一	五	五	五
一	五	五	五

內閣文庫			和書
架	冊	號	類
七	五	四	一
九	二	函	一

內閣文庫	
番號	和 18014
冊數	15 (15)
函號	192 3







大日本國延文庚子六月有 貞胤屢天藏攝別報國權寺住持坐單況謹募眾緣恭為

今上皇帝祝延

聖壽萬歲官儀崇

祿位國泰民安命工鐫梓

草文庫

大藏經印板共行一部計三千卷昔永和三年丁巳八月

日謹題

元亨釋書卷第二十九

濟北沙門 師鍊 撰

志三

音藝七

經師

聲明

唱導

念佛

拾異八

山背大兄王

榮常

諦鏡

太傅藤永手

大君氏

飛鳥貞成

賀陽良藤

粟田錄事

諾樂京女

大安寺側女

賈盤島

蓼原村盲女

熊野村比丘

総州大守藤時重

江諸世

慧勝

藤常行

仲筭童

役夫賀能

德滿

大峯比丘

音藝志七

楞嚴曰此方真教體清淨在音聞聲韻之作

也有以矣吾佛六十四種類伽梵音令人樂

聽豈非攝化之巧便乎故聲論聲明盛播于

也及陳思王感魚山之嘔支那之域音藝

起焉相次而見于傳矣本朝以音韻鼓吹吾

移風改俗
天皇氏地皇表
之時先樂聖
及休攝氏之
王天下始作
悲使女媧氏
鼓之闕者皆移風改俗云

法華所謂法音方便陀羅尼

道者曰家焉曰經師焉曰梵唄焉曰唱導焉
曰念佛焉初興三科于梁傳矣唐宋刪之今
并二四者摺系而得吾詳四者有伎行之異
是廢立之所以由生也蓋四者皆行也可立
焉流而為伎不可不廢也古者四者皆行也
豈可不立乎今者伎也欲不廢不可得矣然
則梁唐之廢立者不得已乎今之撰者全備
吾法之異塗也又夫移風改俗世樂有之況
法音方便之摠持乎又曰家之徒雖薄毗尼

類也

不得_ル不為法事之一莊飾矣故我正傳之外
于此而_レ出焉
經師者持誦也且顯密焉今之稱者資于法
本也昔者諸師皆挾勤焉梁傳取尤者立科
吾本朝又如彼之初故養老三_ノ年正經師詔
曰須式唐道榮我勝曉語在資治表是以光
空清雅聞者久不倦春朝哀婉獄吏泣而捨
然味名家矣長保寬弘之間道命法師以雅
麗之音得感靈之異其事已載靈怪篇命之

經師之為業經咒之作之然經師若者偏取

見九卷

後此業繁焉。然命又承延命、延命承陽勝、二
世不振、至命而昌。命傳隆圓、圓傳隆命、命傳
增譽、譽傳快實、實傳明實、實傳慶忠、忠傳能
顯、達寬、元帝、卿真乘、寂愛、諷經、有祐、宗者、顯
之嗣也。精于家業矣。荐奉天聰、名施一時、華
夷經徒、慕効其法。又有信昌者、稟命者十世
與宗齊名。天下諷讀者皆則之。子又王公善
此業者、比比在焉。門下侍郎藤公任親受命
之音調、名于時。後授定賴、承保帝召、命之曰

世永覺承音旨、寬治天仁、保元四聖、系付鳴
于羣閣、尤僕射德太寺之尤太臣藤實定稟于天仁、而傳僕射
公繼。或曰、宋寢病淹、子弟倦者、養臨亡之日
諸子暫出、宋忽高唱曰、乘此寶乘、直至道場
子弟傍聞曰、翁病少差乎、父無舉唱、今偶聞
焉、快哉。其後不繼。子弟曰、何其寡哉。相語共
恠、乃往父處、雙手拱肅、上安祥而逝。因茲而
言假名練若之徒、又有昇脫乎、豈持誦之効
與惜乎、賣伎而不事行、宇度幾諸諷之人、尚

至于宋哉

論曰諷經之藝非王臣之事矣君臣之間我不取矣曰不然漢孝元唐明皇歌曲之譽史稱焉若又臣者不勝計矣今夫此方君臣不歸佛乘已歸即猶何言乎況世尊之聲教法師之功德豈漢唐之游謳戲曲之比乎我又分行伎之異君臣之間豈伎去乎比之於音藝有貴伎之心王臣之中豈其然乎聲明者印土之名五明之一也支那偏取曰梵明曹陳王啓端也本朝遠取于竺立号焉

聲明多數梵明其一也捨曰梵明故曰偏孔云

考古史延曆二年有正梵明之詔然則古有之未立家也承和之初弘法奏置聲明之度其後寬朝善容明慈覺之遊赤縣也周旋十師之間旁傳此業爾來布灌寰宇覺傳智證證傳相應應傳淨藏藏傳慈慧慧傳源信信傳覺超超傳懷空空傳寬誓誓傳良忍忍事已見感進傳自居大原山盛唱此業以為法事之莊儀忍傳索支派統于已其受尋宴者五世受贍西者四世顯密聲明諸師音訣皆

西云居寺開山也忍公受西師世之孫

聲明派多忍傳字統于已矣

聲明之血脈

能括囊忍深于聲明一日披唄策書墨譜忍
 策中出光明見十卷自此世推忍之業焉終其後者
 之忍之感應只受音韻目是太原之地成梵
 唄之場方今天下言聲明者皆祖于忍焉
 唱道者演說也昔滿慈子鳴于應真之間焉
 自從吾法東傳諸師皆切於諭導矣而廬山
 遠公獨擅其美及大法瓜裂斯道亦分故梁
 傳立為科矣吾國向方之初尚若彼又無剖
 判焉故慶意受先泣之譽緣賀有後讚之議

猶言向佛法方也

未必以唱道名

史切臣侯表明其切曰綱橫曰切又曰閱經歷

安居院之祖

而未有閱閱矣治承養和之間澄憲法師挾
 給事之家學據智者之宗綱台老射儒林而
 花鮮性具出舌端而泉湧一昇高坐甲眾清
 耳晚年不慎戒法屢生數子長嗣聖覺克家
 業課唱演自此數世系嗣秩秩覺生隆承承
 生憲實實生憲基朝廷懸其諭導緩于闡房
 以故氏族益繁寬元之間有定圓者園城之
 徒也善唱說又立一家猶如憲苗種方今天
 下言唱演者皆効于家夫諭揚至理啓迪度

定圓之祖

品鼓千百之衆布聞思之道其利博如也其
德偉如也演說之益何術如焉幸奈何利路
纔闢真源即塞數它死期寄我活業諳譎交
生變態百出搖身首婉音韻言貴偶儷理主
哀讚每言檀主常加佛德欲感人心先或自
泣痛哉無上正真之道流為詐偽俳優之伎
願從事于此者三復予言焉

念佛者持誦之一支也修多羅中持于佛佛
此方局彌陀焉或釋迦焉其始與淨土同出

已具于上矣元曆文治之間源空法師建專
念之宗遺派末流或資于曲調抑揚頓挫流
暢哀婉感人性喜人心士女樂聞雜沓駢闐
可為愚化之一端矣然流俗益甚動銜伎戲
交燕宴之末席受盃觴之餘瀝與瞽史倡妓
促膝互唱痛哉真佛秘号蕩為鄭衛之末韻
或又擊鑊磬打跳躍不別婦女喧噪街巷其
弊不足言矣

拾異志八

尺三十九卷

六

予修佛史博視古記其關涉之灼灼者皆綴于十傳焉其餘斷事缺迹之繇吾者又甚異矣我不忍舍諸庶幾不墜真化也作拾異志皇極二年十一月蘇入鹿率兵圍斑鳩宮攻山背大兄王王即以獸骨置寢而將子弟竊隱瞻駒山兵燒宮見灰中骨以為王焚死解圍而去過六日王出山左右欲討入鹿王曰彼大姓也恐多殺人我不忍也乃與子弟二十三人入斑鳩寺塔中誓曰我等以垢濁身

瞻欽

替暴逆臣昇蒼天之雲坐淨土之蓮手捧香爐默然而住皆各經死須臾香煙氤氳上通天雲寺塔之上變隼垂布男作天仙女作天女駕烟雲向西飛去天花散天樂響異香郁烈奇光炫耀時人仰見望雲礼拜蝦夷聞之曰上宮之尊族遭橫逆而死我家亡不父矣明年蘇氏皆鐵蝦夷者入鹿之父稻目之弟也天平年中山州相樂郡高麗寺有僧榮常持

法華一優婆塞常遊寺一日常與優婆塞基
常每下一著曰白衣白衣優婆塞嚙其口又
曰榮常榮常俄優婆塞口自嚙斜以手挫頤
出寺未到家躪地而死

神護中有宇遲王者天性邪見不信三寶王
從山背赴奈良時毛野寺沙門諦鏡往山背
中路逢王無迴避處傾笠匿面立路側王見
之駐馬令僕打擊鏡逃走王追捕王行不遠
叫躪離地三尺許從者知鏡所為就鏡求救

鏡不受三日後王如墨而卒從者奏曰諦鏡
法師咀宇遲王而死乞報仇救答曰宇遲自
招非諦鏡咎矣

寶龜元年太傅藤永手薨其子大中大夫病
醫治不効乞法救一比丘比丘燒香持誦于
時大中託曰我永手也我生平作法華寺幢
又或營八角七層塔我令其減造四角五級
由此墮地獄身抱火柱手釘火釘忽聞王宮
大相亮塞王驚問傍人曰日本國藤永手子

病呪師焚香持誦其烟及此也王乃赦我歸
本土而我屍已燒無所寄屢來告耳言已病
愈

肥州松浦郡人大君氏忽爾死至閻王宮王
曰此度非死期放還君氏見傍大金湧中有
如墨株者沸躍浮沈其浮時急告曰且待至
弟由浮倚釜口陳言我是遠州針原人物部
古也我在生時掠奪細民白米由其罪報受
此熱沸憑君還本土書法華經此罪可脫君

氏蘇錄此事送大宰府府獻朝後二十年大
中大夫菅真道以記奏桓武帝帝宣施岐法
師曰地獄苦報經二十年得脫不使奏曰人
間一百年為地獄一日夜二十歲未過一日
耳帝勅遠州問物部古旧宅具姬記乃詔百
官諸僚書六万九千三百八十四本妙經善
珠法師為講師施岐為讀師於平城野寺設
大法會慶讚薦冥福焉
贊曰桓武帝者夫仁君乎昔文王焚枯骨傳

尚稱馬况六万九千三百八十四本經王乎
古六王者為民父母殆乎父母不如也

仁和中常州飛鳥貞成其家富贍篤信三寶
嘗撰能筆翰者百人於金光明寺書百部法

華經如是十回已成千部設法會慶讚延東
大寺延喜法師為講師其日供施亦盛已而

貞成逝其孫春澤除州之掾到任驛亭廐中
有駿馬背成交曰飛鳥貞成春澤驚見以稻

千束買此馬歸宅敬養一夕夢貞成曰我償

債為驛馬春澤夢中問曰千部妙經其功許
多何至於此對曰我生平善惡並造善惡之
報亦各別受今先惡報而我以經力後必生
天我命又不及耳夢後春澤寫經助貞成薦
不旬日其馬自斃廐中

寬平中備中人賀陽良藤善負殖為州之小
掾八年秩罷居葦守鄉其妻淫奔入京良藤

鰥居心神狂乱常執筆諷吟作書艷詞勢時
時有兒女之音不見其形似聘媒焉如此數

十日一朝失良藤所在舉家尋求遂無得良藤兄弟悉豪富皆會其家悲哽懊惱相謀曰安得其屍薦冥福合族發願曰若得良藤骸當刻十一面觀世音像即伐栢木等良藤長頂礼誓祈歷十三日良藤自其宅倉下出來顏色憔悴如黃病者其倉無柱石上疊材營構其下去地纔三四寸不可容人身而良藤從中出人莫不驚恠良久寤寤言而曰我鯨居日久常念女事時一女子以書著菊花枝

王之公死也

來曰公主寄書我披讀詞意艷麗心情搖蕩歌詠書問往來數返一日寶車迎我先騎四人行數十里至一宮一丈夫門迎曰僕公主家令也丈夫導我上殿帳帷綺飾須臾列珍饌公主漸出容兒服色殆不可言也中夜背燈入帳合歡情緒愛纏雖死不辭晝則設宴夜亦同寢比翼連理歡娛甚密遂生一男性聰明兒嬌夫朝暮抱持未下於膝常念廢長男忠貞立此兒為嫡蓋子因母貴也居三年

是春秋之類

忽有優婆塞持杖昇殿公主侍女盡逃散又以杖突我背我從隘處出顧視家倉之下也時家人舉恠之乃毀倉視之有狐數十驚馳倉下土上有良藤坐臥之跡良藤居倉下纔十三日而謂經三歲倉下三四寸而為大厦廣殿皆是妖狐之魅惑也非大悲菩薩威應殆乎死狐窟其後良藤無恙十餘年卒六十一逝

延喜中仁和寺仁元供奉門人平如有擅越

考問
史學指南曰
加刑也漢趙飛
燕考問班婕
倂

粟田錄事病死經一日夜蘓語曰冥司驅行到一城門時一高僧語我曰闍王若有考問汝報曰有書法華之願未果我自比立曰生平無此願又師誰字僧曰汝在生時有久寫法華至方便品汝以滴水加視汝記邪我答曰然僧曰汝以此因故但言有寫法華願雖似虛妄不為無緣我是方便品也語已不見即赴闍王前王問生前修何善我對曰有書法華願未果而俄七王驚合掌尊重令冥使

考覈虛實，真衆考察，曰：無之王恩，付曰：縱雖
真誕言，涉經乎須，放還果其業，我不任喜幸。
便走出，一秃丁立門側，問曰：仁由何事放還？
我答曰：啓以有寫法華，願是故放還。秃頭亦
至王前，王問如先答，亦如先王亦放還。錄事
後與平如同車入市，買紙欲書法華，秃丁亦
同買紙。錄事見秃丁如舊識，秃丁亦見錄事，
相恠二人熟見，便知真事。秃頭言曰：幸依仁
言，得放還。錄事執手悲喜，市人多聞之，無不

嗟嘆。秃丁者，河內知識寺知事僧也。各歸本
所，精進書寫。

論曰：閻王，聰明正直，不可加也。故須万生，生
殺之權，苟非至明至直，孰能與於此哉？然粟
田錄事之事，怪中之怪乎？錄事之經，願元妄
也。閻王不知不明也。至真使監察曰：無之王
曰：縱雖妄言，涉經須放還，是非刑獄之法也。
不直之甚也。又彼方便品者，化高僧以妄教，
錄事何其法華真文之不典邪？曰：此理甚深。

不為淺識之者易言也粗揚推而陳之夫羣
生之迴轉者業障之所使也業輕者昇障重
者沉諸聖之於群生也唯欲其昇不欲其沉
而業障厚者自沉墜耳若毛髮許有拯濟之
由諸聖施力於此而其業障厚者雖有善諸
聖不援何也業重也今錄事此生夙累皆竭
者也是諸聖拯濟之秋乎而錄事生平又無
佗善纔經書一滴之餘潤耳當其無餘歿而
有微善之時宜乎經王之矯微詞也閻王又

託也

聖者耳只怨不免斯民於塗炭而障厚者不
關矣遭錄事之無障經王之加勸彼閻王者
豈不發寬宥之言耶蓋閻王神足知錄事之
障竭也若不知者非閻王也知之是閻王之
聰明也宥之是閻王之正直也何也聖境無
礙也經王閻王通知也非區區世間昏狂窒
獄之據歟而推勘之謂也又世只見錄事之
無願之為妄也不知錄事之障盡之是無妄
之時也何也障者妄之所為也今夙障已盡

曷妄之有以無妄之時發言者雖妄而皆真也。是以經王不妄矣。閻王不妄矣。故錄事又不妄矣。蓋自無妄之中來也。世書猶言無妄之疾。勿藥有喜。况解脫之道乎。只其知錄事之障竭。是閻王之事也。非凡庸之所及也。又人之暫死。入冥而蘇息者。皆非實死之適活也。蓋激感之所發也耳。若定死者不可蘇也。錄事此生雖業盡而緩於為善也。諸聖大悲借真示此異。而激勵善志耳。是以非定死勘

史字指南曰勸問謂妄應推鞠者又曰推窮獄訟曰鞠

要妄
是孔子厄陳
蔡時語

鞠之比也。故託微妄也。若定勘者。閻不容髮。豈有之乎。只是諸聖激錄事令作善因而已。故微妄無咎。元是要妄也。或曰錄事依經滴之微緣。預經主之加助。妄而無咎。蓋經主之功力也。曰不然。經主功力施於輕障。不能施重障。若錄事有障。經王不得施矣。今世人不皆然乎。經王豈黨錄事乎。况禿下無滴緣乎。只是禿下又障竭之與錄事同也。二人此時邂逅耳。吾故言障盡是無妄之時也。或曰子

卷之二十九

十一

之障竭之義已聞命矣不能無微緣乎曰然
 曰錄事之微緣滴水耳禿丁無之何也曰禿
 丁逢錄事猶錄事之逢經僧也是禿丁之微
 緣也曰錄事之感經僧也滴水耳禿丁之感
 錄事也緣何事曰此蓋禿丁宿生與錄事有
 緣者也然此書只託一事而已不及於此吾
 以我教之理推此皆是也我知所謂聖境無
 礙也閻王知之也故禿丁又逢赦而歸耳矣
 諾樂古京殖槐寺側有寡女父母昔日鑄觀

青銅像高二尺五寸造殿安之父母死後女
 貧甚常對像訴飢寒隣有鰥夫潛通一日夫
 來雨下不歸其晚女無供明且又不爨乃入
 殿泣訴適午即門啓戶里人送饌言而曰聞
 有容故贈草具耳女不勝喜脫裙與使者次
 日女入殿礼拜像裙子挂像肩上
 大安寺側有貧女常詣殿求福累日效之一
 日詣寺門橋有錢四緡簡書曰大安寺修多
 羅錢女入寺告之知事聞庫果失四千取之

古佛經修理之冬貨隨而滋歎

納庫明白女赴寺庭上有縉錢簡如先女又
送寺又明白女家閨內又有四縉簡曰大安
寺成實論宗分錢女又送寺寺僧恠問女曰
我比來詣大殿祈福衆僧聞之知佛慈濟返
與於女女得之漸為富人

大安寺側有商賈名盤嶋借寺修多羅分錢
三十縉往越州都魯鹿津貿易歸路受病下
船乘馬至近州高島郡有三人中途相從至
山州宇治橋島問公等何往答曰閩王使臣

汝者也將捉嶋一鬼使曰不可取也是寺錢
束易商使也乃語曰我飢甚汝有食乎嶋曰
有糗與之鬼食畢曰汝定應死然我饗汝食
息意深有與汝同羊人當相貸答曰無三鬼
中一鬼曰率川社畔有一人與汝同戊寅年
也宜替彼且我等噉牛鬼也汝至家必饗之
嶋曰我宅有斑牛二頭當薦鬼曰我等以同
歲人替汝必受重罰汝呼我等名讀金剛般
若一百卷定脫苦罰乃稱名曰一高佐二中

知三、推言畢而去。目送之不見。鳴歸宅。一牛果斃。便入大安寺。請南塔院沙弥仁曜。二日讀金剛般若經一百卷。三日朝鬼。鬼亦來曰。依太乘力。我等免罪。只願每半修之。言已不現。島年九十餘終。

諾樂京蓼原村有盲女生一女子。家甚貧。里中有藥師佛像。母子二人向像敬拜。祈開目。一時像臆如挑脂者。忽然湧出。女子怪告母。母曰。取來子取與母。母食之甚甜。傳兩眼即

開

紀州牟婁郡熊野村有永興法師者。智行兼備。有一比丘從興學。其所持之具法華一部。銅瓶一。繩牀一。餘無長物。比丘持法華居歲餘。以床施興曰。我欲越山往勢州。興使一僕送。且與糗為糧。行一日。次日令僕返。并授經。糗自持。瓶又携麻繩。獨別去。歷二年。熊野村人入山伐木。聞誦經音。累日不止。村人尋之。不見。往語興。興入山深尋。有一骸骨。麻繩繫

二脚垂巖傍有瓶與見悲泣後三歲猶有誦
經聲興重往收骨其舌赤鮮

緇州太守藤時重有循吏譽一日告府屬曰
我有大願轉讀法華一萬部我繁國勢矣不
能自也今命營內釋衆速讀之然以米一石
充一部供諸吏告諸釋衆又頒米焉於是佗
州緇徒傳聞各錄部數來集一萬之數不幾
而足藤守大悅冬十月設大會而慶讚其夜
夢一比丘形服端莊執錫來語守曰汝所修

可謂淨業我甚隨喜又進把手曰汝其勗守
守啓曰美哉訓也公誰乎比丘曰我是地藏
菩薩也語已不見夢覺感幸便造夢中像瞻
仰供養

江諸世
大江諸世一時
之闡人也

江諸世者初甚窶嘗歸吉祥天女所至之處
取木片安高所合掌低頭言南無大吉祥天
女經歲不懈一時過途前有布囊見之中盛
精粳一斗許携而歸宅傾出半分供晨炊晡
又欲爨半殘見囊其米盈貯如先驚怪而喜

乃炊半分。翌朝囊米又盈如昨。諸世以為吉。後天之惠也。試取諸器傾盛。盛已囊滿如井水。自此諸世使為富人。能施他家。未嘗窮竭。終諸世世囊滿如初。

延興寺沙門慧勝。至浴室。偶取薪一束。與人已而死。時寺厨牝牛生一犢。此犢駕浴薪車。能任重致遠。餘不知也。故偏充浴車牛。一日異比丘語牛曰。慧勝昔能讀涅槃經。今又好牽車。牛聞之。垂淚尋而斃。時浴室役夫捕

此比丘。奏曰。比丘詛寺牛死。有司見此比丘。形自偉麗。便以闢救圖寫其像。宛似觀自在。木士帝欽敬。召見比丘。比丘忽然失所在。蓋勝生平持大悲者。讀涅槃經。故菩薩救護耳。藤常行者。右僕射良相之季子也。僕射家子。西京常行。一夕潛如東京女舍。下馬一僕而已。過大内。美福門前路。東有東炬火行者。其衆二三百許人。常行為微行。故避之。無地。僕曰。神泉苑北門常闢。至其早進。如教果開。常

行屏門內柱下炬隊自此過常行偷眼門隙
皆鬼也或隻眼一手三目二頭奇形異類甚
可怖也僕主喘氣其中或曰人氣近矣魁者
曰盍執來乎一鬼迫門僕主以為不可免也
鬼走反曰不可得也魁者叱之又羗他鬼如
先魁者怒自赴僕主以為這回實不免矣魁
者又反曰不可若之何諸鬼請魁曰佛頂尊
勝咒在焉故不得也言已炬火皆滅鬼隊走
散常行不知所由然不向女家從此而迴家

人問中夜不見何所之常行語事乳母曰妾
昔日讀一沙門書尊勝咒潛緘衣領恐是字
乃綻縫瞻礼合家無不稱嘆

南京仲筆法師有童兒初在睿山楞嚴院後
事于筆童常轉法華筆曰少年之業習學惟
競誦經誦咒未晚耳童自此逢筆願眄乃為
習學若佗時則動讀法華一日失童筆驚尋
遂不得童潛入山誦經不食月餘已而得羽
服成神仙後數月僕新于山中遙聞誦經音

漸近則童兒也童語僕曰汝還房告師莫得
覲晤僕告筭筭跣足登山與兒逢兒曰我已
得仙與塵世隔今偶相見可謂良緣歎語者
又矣兒將去告曰每歲三月十八日近州竹
生島有神仙之會我亦預耳

役夫賀能者過睿山橫川般若谷逢雨寄一
破宇中有地藏像其像漏濕甚能見像底不
全雨灑被體脫自小弊笠覆像頂而去晚年
受病而氣絕能生平無善事動多惡業便墮

地獄猛火燒身其痛不可言時有一比丘以
右手提能出鐵釜其比丘右邊顏肩足及臂
皆焦然而告曰我在瞻部洲睿山般若谷時
雨濕不可忍也汝以一笠蒙我其志難酬故
我入火聚濟汝不顧自燒耳言已蘇息能便
誦般若谷拜像像之燒爛果如獄所見

土洲中村有一宇安地藏像一時獵者得鹿
入此宇烹宰啖嚼自若其中一人曰尊像恐
思真穢乎一人曰像若惡之盍躍出避之時

帳中有物飛出如鳥之過諸獵怪而趁追落
 深草中近而見之有地藏像其長六寸諸獵
 於是悔咎改懺遠近來奉恭敬供養
 搆州水田郡沙門德滿年二十盲過三歲誦
 鞍馬寺祈之無應又誦長谷寺期丁七日祈
 求至第七夜夢老比丘告曰我力不及汝當
 如道州茨根山觀音靈場懇請滿如教弟三
 日初夜忽眼開見燈眼根如元景曆三年也
 自此滿居此修練云

沙門義睿遊諸名山勝地欲從熊野山入大
 峯詣金峯山迷而失路陟嶺降谷十數日適
 入一林中僧房修潔庭布白沙奇花異草及
 諸果蔬處處開敷睿見之驩怪窺一室有比
 丘年可二十威儀安庠讀法華其聲和雅如
 調琴瑟讀一卷了置經臺其經自躍昇空從
 終自卷至始又自結帶而還臺睿益怪乃至
 八卷亦如是比丘讀已作礼出堂見睿驚曰
 此地允鳥尚希况人乎何以到此睿告迷路

比丘引睿入房。忽端止。童子捧甘饌來。睿嘗之甚美。又見種種希事。問比丘曰。住此幾年。比丘曰。已八十年。我本睿山東塔三昧座主。弟子也。壯年出本山。處處修練。老寓此山。耳睿聞已。生難遭之想。又白比丘曰。卿承人路不通。已見端正童子。兩三輩。何作妄語。比丘曰。天諸童子。以為給使。予豈妄哉。睿又曰。雖言老朽。面兒少壯。何乎。比丘曰。病即消滅。不老不死。又豈妄哉。比丘漸勸睿歸。睿曰。日勢

已晚。不辨方隅。又身心疲勞。何不保我。而排哉。比丘曰。我非厭子。此地潔淨。不堪子居。故令去耳。若欲止宿。身不動搖。口無言說。心身寂靜。默然而住。睿受教。初夜時。異類衆形。鬼神禽獸。不知其數。各持香花。捧果蔬百味。飲食羅列。安置。誓首禮拜。次第而坐。異衆中。或作是言。奇哉。有人間氣。或曰。何人至此。比丘誦經。異衆傾聽。至明相現。各作禮。分散。睿問曰。希有異類。何處來耶。比丘曰。子豈不聞

若人在空閑我遣天龍王夜叉鬼神等為作
聽法衆睿曰我欲還不知方所比丘曰與子
指南即指瓶曰隨是去時瓶自躍進去睿趁
瓶而行行二時許到金峯山一峯直下便聚
落也忽瓶昇空飛去睿著村里語此事聞者
歎嗟

元亨釋書卷第二十九

元亨釋書卷第三十

濟北沙門 師鍊 撰

志四

黜爭九

序說十

略例 附

智通論 附

黜爭志九

凡人之有爭者黜它保自者也蓋黜爭之事三傳兼護法之科

昔婆伽梵坐菩提樹下魔王波旬將八十億

波旬以諸方便致
惱於佛終不受
其障後語曰
我以三祇劫之行

尺三十卷

力將證大竟汝
行業未我一劫
行豈以不及一
劫業力碍三祇
之切亡吞曰不
然吾身六之天
主也汝迦毗羅
王子也其果報
優劣判然汝何
容易發言非佛
曰汝不信我語
呼地神證之時
堅牢現形從地
湧出證所以波
旬之行不及如
未一劫之業廣
受屈而退之蓋
責上者不必呵
責之治理責之
也

衆各執器仗致惱地神現形責魔魔懼怖而
去夫以世尊無量劫來已具種智豈受是等
障蔽乎而有之者濁世令之使也非世尊之
咎矣以故世尊不動一毛波旬受屈而歸滅
後尤多或斬菩提樹或焚貝多葉或閉伽藍
門或壞阿育塔獨賓臂墮而死異見病至而
悔不唯王者之為梵志譖助而發也然彼自
敗七我法自若矣至于東震益酷後魏太武
太平真君七年焚像經坑沙門者崔浩誣之

崔浩腰斬太武使崔浩書先祖之碑建谷路魏本拓跋氏自道武保魏改為元崔浩書道武以往之事故語一以故有語
本武者太武怒誅之腰斬者不斬首斬腰云使字指南曰以刃斬腰也秦腰斬李斯

崔周世宗

崔周世宗老榮逢
五季之亂世之國
用言而曰我與佛
經之手佛並滿人
之所欲今亂當之
時國用甚益當先
佛之加助然則破
國中之銅佛以可
作未使群臣作之
群臣之中有誰者
自作之或寺大銅
像使臣破之臣
難之宋自持斧
擊像之胸而破
之也

徽宗依林氏
之勸迫吾法
其後天下大
滂街衢喧赫
亡佛法之取致

也八年雷擊殿而倒太武遭歷殆死不幾為
常侍宗愛殺崔浩腰斬之誅及五族北周武
帝建德二年毀像經冠沙門宣政元年感痛
而殂唐武宗會昌五年厄佛法李德裕趙鼎
真勸之六年帝發背疽狂煩而斃飯真責誅
朝堂德裕貶死崖州柴周世宗毀我教手持
斧擊大悲銅像鏡胸破帝後疽發背而歿趙
宋徽宗宣和元年沮吾法林靈素諭之是歲
靈素放温州賜死于道靖康二年金人破汴

帝知非而改稱
林罪放林於溫
別林既赴外國
俗知天下之洪
水者林之取為
於道殺之云

京虜徽宗而去上之五代君臣昏惑生阨於
吾禍敗景從寔可愍矣我國家君聖臣賢仁
恕忠良自真化覃此七百餘載上下崇奉輔
治保祚以故君臣世授胤連曆長只欽明敏
達之間有小厄者我法始至信根未洽又非
睿情孽臣矯之也而守屋之黨當不旋踵及
于天長天元有闕墻事長曆以來虐焰轉熾
永保之始二火亦起三月山階火燒武家六月白旗火三井率見資治表園城戒壇雖台相之
一厄頗撼朝堂然王臣篤奉佛其始不加劇

治所謂撲滅不息至于燎原矣嗚呼我國醇
淑而苗自吾出弊魔嘗誓曰我来世入汝門
衣汝衣食汝食破汝法魔黨其不可熄乎今
欲全綴此方佛迹且令人知魔孽之所繇勸
善懲惡古史之任也作黜爭志

欽明十三年百濟國王聖明貢獻釋迦銅像
帝宣問群臣可拜不物尾興中鎌子等奏曰
古先帝皇之治天下也常有事於春夏秋冬
祭拜天地社稷一百八十神方今改拜蕃神

恐致國神怒大臣蘇稻目進言西蕃諸國一
皆拜崇彼方諸神未聞拒逆我此日域何慮
之有乎天皇賜像稻目稻目大悅捨向原家
為寺安置供養此年天下疫夭亡多尾與鎌
子等奏曰陛下不納愚忠作敬蕃神今癘留
由彼興乞行弃撤天皇許之有司投像於難
波堀江燒伽藍於是天無雲而雨宮中大殿
俄災

敏達十四年二月糠馬子起塔大野丘設大

齋會三月物守屋中勝海奏曰自先代及陛
下國多疫矣豈非蘇氏之佞佛哉上曰朕亦
不能無疑守屋自入寺斫塔縱火燔之又燒
藏殿等既而取燼餘棄難波堀江是日無雲
雨下守屋又捕馬子所奉善信尼等禁錮海
石榴亭不幾帝并守屋患瘡天下又多患之
死者相枕患瘡者皆曰我身如打如燒人人
相謂曰是燒像塔之殃也後二年守屋伏誅
天長十年七月睿山義真寂以座主位私授

圓修大衆不肯山上鼓噪真之徒黨修之者
五十餘輩大衆擯之勅尚書右丞和真綱上
山罷圓修座主職修移和州室生山承和中
入唐歸住山雲寺

天元四年十二月救餘慶法師補法性寺座
主慈覺之徒詣闕奏曰初太相國真信公建
法性寺以辨日法師任座主以來九代相繼
而慈覺之門當之今第十代始以智證門人
加之是慈覺之徒失望也救答曰告檀家檀

家報曰隨救相讓而不斷於是慈覺之徒一
百六十人向檀越廉義公家喧訴相家不聽
屢有爭論天祿帝聞之激怒曰真信公初創
法性寺不必附慈覺一門只是撰智行兼備
者為座主適慈覺之門多人故相次領之今
餘慶亦有智行譽而任之何必守一門乎况
喧爭敗德非淨侶事也下詔息百六十人者
封職焉自茲兩門不和拒爭日滋智證之徒
出睿山各居別院餘慶率門人住觀音院勝

并門人修學院勸修并門人解脫寺穆筆
并門人一衆寺餘衆百余人猶在山上千手
院五年正月敕侍中平恒昌登千手院宣者
宿曰傳聞日者智證大師之徒多散逸經書
秘笈恐有紛失固加衛護目之置宿衛守經
藏又下敕曰座主良源欲燒千手院殺餘慶
穆筆等陰謀難匿早止其機後而毋悔良源
上表陳謝其略曰放火殺害我法太禁自作
教人波羅夷罪吾輩放此是道之常謹達天

聽願決真偽

永祚元年九月敕餘慶為延曆寺座主慈覺
之徒奏曰智證門補座主者不可開講堂使
固閉戶永延帝并大相國藤兼家以為過訟
十月二十九日詔尚書右丞藤有國作告文
登前唐院慈覺之塔訴衆徒之暴戾有師子身中
虫之句

正曆四年八月觀音院成算之徒與睿山衆
有卻慈覺之徒燒千手院及壞房舍四十餘

宇兩門相爭，於是慈覺之徒擯智證之徒一
千人出山。

長曆二年冬，朝議以三井明尊為天台座主。
十月二十七日，慈覺之徒捧狀，沮之。三年，延
評已定。二月十七日，慈覺之徒盡會法成寺
南門，相議列向相府，訴之。相門固閉，不入。衆
猶蠢蠢不散。相吏開門，告衆曰：「今日先還，明
日有議。」太衆退。明朝會祇陀林寺。相府使使
告衆曰：「天台座主位，古來重之，故選智行全

具者補之，不必局慈覺一門。智證之門亦多
有。焉方今明尊僧正德位相宜，慈覺之徒有
相若者，乎乞莫拒訴。太衆聞之，嗔怒，叫馳，乃
走走相府。府門堅閉，大衆呼號，扣門至穿門
柱，下地相大怒，使能州刺史平直方率兵射
大衆。衆中亦有挑戰者，定勢有膂力，拔大刀
擊官兵。官兵衆徒死傷兩多。十九日，定勢付
獄，以降見資治表。

序說志十

大史公撰史記百三十卷，其終一卷者序傳也。以明一書之始
卒也。此志擬之，云或曰：易有說卦序卦，此書取之作序說志。

大覺渾然未嘗判矣。瞿曇大聖人剖析而數出矣。其為數也。有半馬。有滿馬矣。二馬三馬及九馬。皆半也。十馬百馬。及萬馬。皆滿也。半常設小矣。滿常設大矣。然居渾而見數者。判而常渾矣。在滿而見數者。半而常滿矣。故渾而判。判而渾。滿而半。半而滿。是我圓極之微旨矣。此書有五格馬。傳贊論表志也。傳十也。贊二而或繫一馬。或綴多馬。論又二而通別也。通託評馬。別解感馬。表一也。志又十也。五

格者。半數也。寓判而非小矣。十傳者。所以載其人也。十志者。所以記其事也。雙十者。滿數也。寓渾而設大矣。一表居中馬。所以通串傳志也。不載空言。見之行事。雖來國史實釋氏之通表也。數止一者。雙十之統也。蓋一者。十之所歸。十者。一之所成。天下之數。未嘗不一也。十也矣。又一者。渾也。十者。滿也。渾而無不滿。故一而之十。馬滿而無不渾。故十而反一。馬是自然之理。而此書之數也。傳之十者。傳

智一、慧解二、淨禪三、威進四、忍行五、明戒六、
檀與七、方應八、力遊九、頭雜十、表之一者、資
治也、志之十者、為學、修為度、受為諸宗、為會
儀、為封職、為寺像、為音藝、為拾異、為黜爭、為
序說、維我、佛乘、智為先、導勸示、悟證、皆智之
操、灌真來、唱昭訓、去敷澄海、榮西相、繼高路、
自茲、此方、競嚮、真誥、傳智居、初焉、智之與、慧
名異、幹同、赫赫、諸子、惟業、惟隆、不唯、聞思、修
勤、解通、慧解、續焉、攀緣、觀察、愚夫、所行、單傳

直指如來禪、清淨禪、續焉、慕道之士、進其為
精進、進不止、威應便生、進威續焉、佛道懸曠、
動有退、遠忍之為德、不崩不騫、烈士行之、曜
後、揚前、忍行、續焉、戒法毗尼、如來威儀、不唯
固持、明之知之、明戒續焉、檀之為事、施與營
築、厚薄有異、共歸興福、檀興續焉、古聖深悲、
周流屢遷、善應無方、是名巧便、方應續焉、智
用為力、有動乘斯、萬里游戲、尋道訪師、力遊
續焉、我有大誓、其品萬科、隨類俱作、清濁揚

九傳序日記
事者以繫
日以繫月
以月繫年
以年繫紀
所以紀遠近
別異同也

外格多福者
人之行施必受
福報比其受施
為使他人受福報也

以吾門之治亂
鑑佛來之與
表也

論語曰十有
五而志學

波頤雜竟焉是始之十也史之為言繫月繫
年我法無曆假渠寓旃渠亦假我政和祚延
作資治表一焉人生童昏不學不明但學浮
動修而智成去斯二路道無佗行故置於始
惟衡惟程學修志起矣入道為度得戒為受
度道之標戒道之守度受次矣吾門殊塗其
歸一致得致知塗不則道毀諸宗次矣我法
有為會而有儀君臣會儀者有為資行人給國治會儀次
矣道備德盈受封居職內榮門庭外格多福

封職次矣獨立無居獨依無室依止相應有
事偶字偶字已作吾門萬觀寺像次矣維此
世界音作佛事饒鳴磬響軌儀全備音藝次
矣吾佛畜感個儻不羈片奇小恠收拾不遺
拾異出矣治以鑑興亂以鑑衰背觸來現我
以鏡知黜爭出矣物必有頭事又有由欲詳
始卒序說而休矣初予覃總角而離家逾志
學而遊方周旋相陽福鹿之門辛勤而歸目
見大藏有僧史之三傳所謂梁唐宋也而此

宋傳之文章
未必出一手
古德之中有碑
碣者不加潤
色一載之故

三傳不精史文蓋梁傳者戰國之文病體裁
馬唐傳者叙事艱澁傳論文同宛似銘辭宋
傳者駁雜斲敝任古碑碣絕無筆削古來聖
賢之事業不能顯煥頗惜之焉又佛法入斯
土以來七百餘歲高德名賢不為不多而我
國倍醇質雖大才碩筆未暇斯舉矣其間別
傳小記相次而出然無通史矣故予發憤禪
餘旁資經史竊閱國史洽掇諸記日積月累
已有年矣遠自欽明迄于聖代補綴裁緝為

此書之為休亭受陋又之嫌不受駁雜之說也

凡內外無異至
有者述皆假
体于外書之
中具体而備
者史記而已
之為体有傳
有表有書也
僧傳只立傳
不立表書故
謂偏傳今書
有此謂之全
史亦不誣也

三十卷僅成一家之言不讓三傳之文名曰
元亨釋書古傳者偏傳也今為全史故改名
焉又夫古之著述或罹窮愁或求見世雖仲
丘猶然矧其餘哉余塵纏早脫世繳不及韜
晦我常豈真閑名只欲明佛祖之法揭聖賢
之迹令可畏之人知所式之塵也耳此予之
志也曰古科十品三傳承襲此書何異曰此
書雖變古傳古科皆在其中矣夫傳智者譯
經也我國無譯事故換寫焉然其傳來者一

也。慧解者義解也。淨禪者習禪也。慧之與義
淨之與習其所名模不啻天淵之隔矣。進感
者感通讀誦一之古傳瑣碎以我視之皆進
也。故合焉忍行者遺身也。古傳遺身之日無
含蓄也。明戒者明律也。古傳次三學故亞禪
焉。今配十度故居忍下檀與者興福也。福者
檀之報也。替名而表本。頭雜者雜科也。今分
六篇蓋智不足者駕頭而達彼岸故闕頭度
攝諸色也。方應力遊古科無之今詳法義建

護法
反那五君沙汰
佛法取我徒
之有勇者奮
而不顧身欲
救之其功無
遂以有六志故
古傳聚作護
法篇此方無
是等之擲書
鋤之

二焉。梁唐削漆一二科不為無據耳。護法者
今鋤之。此土無暴君悖吏何護之有。而志有
黜爭者草昧自家之小厄也。非臣廢矣。又古
傳無表志今立之者備史法也。我謂古傳為
徧者是也。矣曰春秋三傳不立志豈不良史
乎。曰彼編年也無志可也已。分傳則史遷曷
不全哉。不能逃君子之誅矣。曰子攻古傳者
深矣。而宜寧之諸師高德偉才豈可容易而
議哉。曰尺有所短寸有所長三傳之師道博

非翅五君之迫法列一國之守欲滅管內之佛化然
者往在

書之立傳者皆祖述史記三傳又亦也則渠而不全者諸師之非也

彼諸師之臨編
德行之中史
才者末而非
也

此書擬漢唐
之書羅名名
書彼以同名
此以氏名之比
擬相戾然則
當名狀子然
此書又非諸子
之類故謾取
名狀書也

德大而吾之所欽也。然史才者末也矣。昔黃
大史見三僧傳，患父義鄙淺，而欲刪修之。又
洪覺範屢議唐宋二傳，非予獨言之矣。曰：子
見林間錄之釋書名，取諸何？曰：漢以來，以史名書，所謂
漢書、晉書、唐書等也。曰：漢唐者，以世以國，故
名書而佳矣。今釋者，氏族也。世尊取以為名，
此書應稱釋子。蓋孟子、莊子之謂也。然諸子
不史也。此書，史也。僭取子曰不然。子知世書
之有彼而不知吾教之有此也。我大覺世尊

身土不二，世屬土名，屬身四法，不割唯一覺
也。子何輕議哉？故為其系胤，雖有聖凡之異，
皆一種也。猶世俗之家，有賢不肖之子矣。不
可以不肖不系其氏族也。故予名之以釋書。
又漢晉唐者，國而皆姓也。我釋書之稱不多，
率乎曰：子廢古科配十度，然者此方之人，咸
大機與曰：有斯言矣。夫此方視於竺支狹矣。
蓋印度闕於震且震且，闕於日域而印度小
乘多，大乘寡。加以婆羅門九十五種，大乘之

以此義視之，名與世不異，汝何疑以狀名書哉。

於印度也牛毛之雙角也覆且大乘多小乘
 寡加以傷墨老莊乘時陵我者不少焉大乘
 之於支那也鼎鼐之一足也我日域純大無
 小其俱合成實者備于學而已不立宗焉有
 獨而無老莊之書又備于學而已不立
 家焉只儒有數家焉而不與我競蓋雖魔魔
 民皆護佛法之謂字以印度地闊而大乘寡
 支那地狹而大乘多而見之我國小而純全
 不機者非理之迂矣蓋我道之機法者不因

法華曰多有
 魔云々

于臨之義

地之廣狹乎盛哉吾國東方醇淑大乘之疆
 乎命此土者不爭我法無異道也學我法者
 不赴小徑無二乘也是故此書以波羅密建
 十科也曰如子言此書所列咸菩薩與曰然
 菩薩有二曰滿曰分波羅密亦然譬登山焉
 到頂者躋麓者齊稱登山焉何也躋麓者竟
 達頂也階吾道之大機者皆為菩薩何也自
 分至滿也曰子以此方為大乘域又愛吾廬
 之謂乎曰大般若經第三百二曰我滅度後

淵明詩
 吾又愛
 吾廬

後五百歲甚深般若於東北方大作佛事我
此日域金口已說豈始而言之乎曰彼經說
滅後流傳始東南方巡至東北子何獨取東
北哉曰不然雖說八方流布特稱東北而為
最也故舍利子白佛言於東北方當有幾許
住菩薩乘諸善男女於此般若書讀修說佛
言東北方有無量住菩薩乘諸善男女等然經
文繁衍恐人不委斯旨子親熟者亦不疑也
蓋佛讚東北不似餘方第五百八又見焉曰

經文繁衍。文章之体。印土好廣。反那好畧。故諸譯師隨。又那之風。簡畧之玄。非師曾。夏諸經失。印土之体。故以大般若。隨竺之法。而廣。

如子之言東北為最而支那又東北也何定
日域哉曰支那日本雖隔海而氣候同何也
此土用唐曆不有羌立也若佗域者夏年矣
故我言佛說之東北方者支那日本并之矣
何也氣候同也見其氣候之同宜乎吾佛之
并言之乎曰然則支那又大乘之域乎曰支
那者大醇而小疵曰本者醇乎醇者也曰此
書立波羅蜜少有倒逆又諸師有不留一
波羅之者何混而顛乎曰序次雖倒意順也何

韓文孟子醇乎醇者也首手揚大醇而小疵也

也夫十度者五度如次智度分為五所謂慧
方願力智也智者慧體也故置第一慧者大
用也故次焉餘三度各用也智中少互無害
今分智而置初後者應知雖檀戒又智也釋
論之中一度各具六應知雖十皆各通具也
以通具見之少互無咎而又有順理於其中
耳寶兩經曰菩薩以智為先導凡菩薩人動
作無非智此書主行故以十度建十科又諸
修多羅十度以滿位為次序今之十傳取諸

分故有少倒譬石砌路焉大小曲直者石之
質也方面布置者工之巧也路不得不整矣
吾以波羅之分滿修菩提之砌路其間詰諸
子之大小曲直者不見吾之大道矣

略例附

桓武之後追謚缺焉其間一二不備足焉今
以年号呼帝者
洲号古來呼者不辭矣今以二義質之所謂
上下簡辟也上下何九上字不復出者皆以

上字呼之。山州攝州等也。上字復出者以下
字呼之。和州賀州等也。簡辟何九二字或上
字復出或下字復出皆能簡辟呼之。若又復
出多者始後簡采美州之采始者簡信作也。
波州之采後者簡丹阿也。又上下前後之者
加之字而呼。頭見此書善簡辟焉。
官位皆以唐宋呼之。古儒已配之矣。非新例
矣。
表中李德寬平前後二例皆史法也。

表中雖立二例正傳之中諸年曆且從古史

右五條

智通論附

師元序中奏此書取臺閣之間有以儒鳴者不精于佛書曰
佛之為教不精于佛書之過也若不辨之疑難及此書故作
此論以附于後

釋書出焉有儒一生言之曰我名教立五常
智居四焉蓋智者聖人之次德也易曰仁者
見之謂之仁智者見之謂之智故君子之道
鮮矣是夫子黜智之言也又皇帝王霸步驟
殊塗以智為霸者之權也故漢高祖曰吾寧
闔智不闔力又老子曰絕聖棄智然則論大

漢子楚官軍
廣武相顧子
漢王挑戰王曰
吾寧闔智不
闔力自教相

朱晦菴盛謂此義然我徒之中未有辨之者

道者斥其智矣吾聞三教一致聖人無異此書何先智乎又我儒不言神恠此書感進神仙拾異等篇基於此蒙竊惑焉余曰善哉問乎不子今言之外學之議我也自古而然我今片言可以解千歲之惑矣夫吾道一心也心外無餘以心為身以心為土身土皆心也况思想作為乎吾佛以四智應於萬彙所謂圓鏡一也平等二也觀察三也成作四也佛心之明淨者鏡智也佛心之均同者等智也

修多羅華云義味無尽諸論所指皆曰契經所以契理契經名契經也

佛心之知覺者觀智也佛心之空為者成智也四者之體曰法界法界之用者四者也體用皆心也蓋因心而見體用者五之者未嘗有異矣今其如來一代之說相者觀察之一智也六般之神足者成作之一智也以觀察而應機也為大為小為權為實為偏為圓為修多羅為毗奈耶以成作而應機也為幻為化為明為通為三摩提是吾佛不思議之智用也然以鏡智而見觀察大小偏圓未嘗不

明淨也。以等智而見觀察。大小偏圓未嘗不
均同也。修多羅毗奈耶亦然。以鏡智而見成
作。幻化明通未嘗不明淨也。以等智而見成
作。幻化明通未嘗不均同也。三摩提亦然。又
以觀察而見成作。幻化明通未嘗不知覺也。
以成作而見觀察。大小偏圓未嘗不玄為也。
綺錯交互亦然。故吾佛一說也。四智備矣。一
通也。四智全矣。若隔礙者。非所謂圓鏡焉。平
等焉。觀察焉。成作焉也。豈仲庄伯陽偏談局

說之謂乎。譬溟渤焉。東西南北一海也。而東
方之民曰東溟。西方之民曰西溟。南北亦然。
人自名耳。海豈異乎。汀澹不然。有方所有。淺
深不得。不異宜乎。子之以仁智神怪而議吾
乎。又三教一致。聖人無異者。我智上之詮也。
非子之心。外教之所知也。彼所謂智者之智
者。偏智也。非圓智也。彼所謂霸者之智者。權
智也。非實智也。彼所謂棄智之智者。小智也。
非大智也。彼所謂神怪者。妖孽也。非明通也。

又怪力亂神之言出於論也。然諸儒不一也。或作二事，或作四事，異談不少。今且就子之四事之言而辨之。孔子之不語怪力亂神者，非絕不言也。慎言也。後儒不明仲尼意，絕言於四事者，惑之甚也。我粗出其端焉。易曰：陰陽不測曰神。又曰：神者妙萬物而為言也。仲庄豈不言神乎？春秋二方言皆襄周諸侯攘奪之事也。仲庄豈不言亂乎？孔子之勁能扛國門之關，不唯口言也。身自為之乎？季桓子

孔子壯歲時戲扛國門之關，此固木尋常之人，四人相對奪之。

穿井得土，羊仲庄辨以木石水土之怪，豈不

言怪乎？九經傳之中，孔子之涉四事之者多。

不暇，纒舉矣。孔子為名教之祖，垂訓於世，思

允庸之溺，四事而有此迹也。陋儒迷跡而為

孔門之徒，絕言於四事者，可笑也。夫四事者，

昧者之所溺也，而又不可無也。君子能辨之，

我法悲智吏，發神用以利天下，豈同陋儒之

局見古來太賢之感，應棄而不齒乎？全宋之

時有歐陽脩者，修唐書而舊唐書多載佛氏

趙

時有歐陽脩者，修唐書而舊唐書多載佛氏

時有歐陽脩者，修唐書而舊唐書多載佛氏

時有歐陽脩者，修唐書而舊唐書多載佛氏

時有歐陽脩者，修唐書而舊唐書多載佛氏

之神異脩術學孔迹而刪去者千餘條脩之
偏識可卑矣夫良史者褒善而錄後世貶惡
而警後世故善惡并書而不匿彼脩何為者
乎任吾喜怒一切刪之蓋脩之意以佛為怪
為異道也縱佛怪異也時君好之脩何不並
書加褒貶焉後世而例刪之乎劉煦之父實
淺矣脩父雖加之而識不如煦字脩亦惑論
之四語之甚者乎又吾佛之神用者幻化也
諸聖未為奇也九愚以為奇也蓋欲開九愚

孟子
學子

之淨信也譬傀儡焉長者未嘗以為奇也何
也知棚中牽抽也愚少以為異而戲著追逐
何也淺識也今以神怪或斥或嬉齊惑也何
也為奇故也君子不然幻也化也何有於此
乎曰吾議子書子何引佛蔽之哉予曰甚矣
哉子之難曉乎昔人有學舜者蚤夜孳孳去
其不如舜者附其如舜者故謂之舜之徒焉
吾人豈異哉只恐蚤夜孳孳不如佛焉不率
而不肖者學之之不至者也學者之大志皆

是也今吾學佛者也此書諸師皆學佛者也
夫學佛之者繫學佛之人而以佛之事其不
學佛之人不知佛而罪之是乎非乎

元亨釋書卷第三十

此書諸師皆學佛者也此書諸師皆學佛者也此書諸師皆學佛者也此書諸師皆學佛者也此書諸師皆學佛者也

東福海藏禪院重刊

元亨釋書化疏有叙

大日本國平安城濟北

大沙門扁關禪師認元

享釋書者寔ニ新朝ニ

本朝僧傳之權輿也其ケシヨナリ

書凡三十卷始於傳智ニ

終乎序說上自推古下モ

至元亨七百餘年間事コト

若僧尼士庶之傳若寺ニ

宇佛象之志若ニ國家ニ

君臣資治之表有一ル關ツモアツカレ

予吾釋氏者靡不登載
而收錄焉玉延文庚子
六月有旨入藏頒行
蓋從其徒園通住持龍

泉涿公請也是書既鏤
版行於世會永真壬戌
二月十六日司烜失職
本院遺火延及書庫凡

歷代三教之書與編祕
帙一夕而燼則版亦成
烏有矣聞者咸惜焉茲
者師之上足前南禪

性海禪師以其徒請由
東菴遷蒞院事未幾百
廢俱舉仍圖重刊茲書
費用不貲遂命在城等

持比丘周信儼詞製疏

巡叩

十方諸大檀那貴官長

者緇向男女見聞者

慨然樂施以濟版事其

獲福可量也哉疏曰

維元亨釋氏之編寔

本朝僧史之筆曰梁曰

唐曰宗三傳陸回若皎

宣若寧十科或異慨

茲海藏龍宮之失護俄

驚琅函玉軸之歸空天

道好還行者印板成就

斯文復作正好點筆疾

書增濟北之陰涼壯海

東之福地

天子萬歲

宰臣千禩

至德元年甲子六月日疏

本云

明德二年

辛未

十一月日


重刊置於海藏院

元亨釋書者近代板行于世者悉皆活字成行故不能無顛倒錯誤而未有鏤于巨板者也而又未有加訓點者也今雇良工張貼海藏院古本於木以彫刻焉且又考諸本之舊點而補寫于其行間并刻之每板一枚面背共四葉板計二百十二枚紙計八百四十七葉都為全板夫是舉者蓋是本朝三寶之流布而又近代一板之最勝者乎庶幾將行于不朽而傳於無窮

哉

寬永元甲子年春三月日

洛下小嶋家富跋



[Faint, mostly illegible handwritten text in cursive script, likely bleed-through from the reverse side of the page.]

